



## KERATAN AKHBAR

SURAT KHBAR	:	UTUSAN MALAYSIA			
TARIKH	:	3/5/2021	MUKA SURAT	:	32
JABATAN	:	PERHILITAN			
KLASIFIKASI	:	<b>PERHATIAN</b>			

# Tapir sesat dihantar semula ke habitat liar

Utusan Malaysia 3/5/2021 m/s 32



**SEEKOR** tapir betina yang memasuki perangkap dipasang berjaya diselamatkan Perhilitan di Felda Tenggaraoh 5, Mersing di Johor.

**MERSING:** Seekor tapir betina seberat 300 kilogram yang dipercayai tersesat berjaya dihantar ke habitat liar selepas memasuki perangkap yang dipasang sejak tiga bulan lalu di Felda Tenggaraoh 5, Mersing di sini, Jumaat lalu.

Pengarah Jabatan Perindungan Hidupan Liar dan Taman Negara (Perhilitan) Johor, Salman Saaban berkata, pihaknya menerima aduan berkaitan tapir berkenaan memasuki perangkap pada pukul 8.30 pagi yang diletakkan di kawasan penempatan itu.

“Perangkap tersebut telah dipasang pada 17 Februari yang lalu selepas menerima aduan orang ramai yang melihat tapir

tersebut berkeliraran di kawasan penempatan dan kelihatan dalam keadaan kurang sihat.

“Operasi menyelamat telah dijalankan oleh 12 kakitangan daripada Perhilitan Daerah Mersing, Pusat Konservasi Hidupan Liar Jemaluang dan Santuari Gajah Johor,” katanya ketika dihubungi di sini.

Salman berkata, kerja-kerja memindahkan tapir betina itu dari dalam perangkap ke dalam kotak pemindahan telah bermula pada pukul 9.30 pagi dan selesai kira-kira 20 minit kemudian.

Katanya, tapir tersebut dibawa ke Pejabat Perhilitan Mersing untuk diberikan rawatan oleh doktor veterinar jabatan.